

康熙潼關衛志

(清)

唐咨伯
楊端本
纂修



本書三卷，據清康熙二十四年
（一六八五）刻本影印。原書間有漶
漫不清處，諸館藏本皆同，無法換配。

潼關志序



秦爲四塞之國舉其全體而論之河西四郡通西域諸國猶尾閭也上郡以北其背脊也度棧閣則入巴蜀出商洛則走襄鄧皆枝股也惟潼關披山帶河東

序



一

面而臨韓魏鄭宋齊魯諸國唐人謂其雄三輔而扼九州良非夸語秦之咽吻其在是乎在昔成周盛時建都豐鎬崇務德化此地未聞以險稱東遷之後秦有蠶食六國之心始據函谷爲

固自是沿漢迄唐遂無弗稱要害矣雖秦之函谷去今關一百二十里漢武好大更徙而之新安唐天授中始建關於今地其建置不同稱名亦異而總以一關結全秦之口莫不遣重臣設重兵以守之今

序



二

聖人在宥文德覃敷薄海內外罔不臣服載籍所稱彘矢戢干放牛歸馬之盛復覩於茲日則此地似亦無關於輕重之數然秦爲

神京右臂寧可以世際昇平而
泄泄沓沓於王公守國之意遂
漫不留之意哉予不佞濫筦茲
闔鎮鑰抵官之後單騎按行郊
野求古人之遺蹟茫然無有識
者博訪文獻亦苦無徵間謀之

序

三

於郡丞撫民唐君君固夙有志
於修舉廢墜者乃以其所藏弄
鄉大夫楊君衛志抄本一冊示
予受而卒讀而嘆作者之用意
誠遠矣他郡國之志雖山陬海
澨聿稱僻左之區而語山川則

十洲三島咸在几席語人物則
伊周魯閔比處里閭語門第則
巷皆烏衣馬糞之家也語土產
則物皆南金東箭之良也言雖
美玉卮何當茲志舉其凡亦畧
如郡國之體而其言質而不夸

序

四

核而有徵無文勝之誚且兵志
一篇於古今戰守之已事言之
不厭其詳蓋使人知潼志之作
其所重固在此而不在彼也楊
君由名進士出宰百里清操惠
政雅稱清白吏子孫解組歸田

文詠日富乃於蟬穿鼠齧之餘
保此一冊以爲後人考鏡予嘉
其意爰付剞劂俾覽者識全秦
之要害所在以正養願而不爲
臟腑之患則茲編亦經世之一
助已

序

時

康熙二十有四年歲次乙丑季

夏之吉

陝西承宣布政使司分守潼商

道叅政東魯高夢說譔



潼關志序

嘗觀春秋時楚史猗相能讀九
丘之書疑風土人物貢賦古各
有書所以昭往察來弗廢則爲
失職顧九丘不可考而山海一
經荒遠難稽禹貢而下莫詳於

序

周禮之述職方斯則志乘之權
輿歟今天下郡邑星羅碁布莫
不各有志矣愚以爲潼關志爲
尤亟按僧一行以爲天下之山
河存乎兩戒北戒自三危積石
具終南地絡之陰東走太華以

至於潼南戒自岷山嶓冢負地
絡之陽東走太華以至於潼而
地絡會於一則潼者固兩戒之
會區也太史公曰雍州積高神
明隩區據六合之上游得百二
之形勝所以東制諸侯而成建

序

二

鎭之勢者翳惟關是賴關實全
秦之襟喉也有明屬直隸與紫
荆居庸山海等關並稱屹然爲
神京右臂關又天下之扼要也

昭代提封萬國海山一家以潼關

隸秦猶具隸京師也然則關志

不可一日無也審矣余甲子秋
奉

命邁此南瞻秦嶺北望渭洛岳勢

鬱怒河流決漭未嘗不歎其山
川之巖險而居民城郭滿目荒
涼進諸掌故多缺焉未脩輒低

序

三

徊久之乙丑春始遇

高公叅藩茲土百廢具興毅然
以志書爲己任關人樹滋楊君
博雅好古具有成藁遂相與刪
繁補漏纂輯成書地理之險易
建置之廢興禮祀之次第田賦

之盈縮職官之遷除人物之俊
偉選舉之源流典而瞻豐而縉
簡而不遺秩而有體發凡著例
提要鉤玄巨細具存古今畢著
而篇末於兵畧殷殷三致意焉
則以關門爲九州樞戶凡歷代

序

四

戰守機宜上自漢末下迄有明
覃精攷索著之於篇欲使後之
覽者曉然於盛衰之理成敗得
失之機而綢繆未雨思患預防
焉將使潼安而全秦安全秦安
而天下舉安然則成是書者其

功豈僅在一方云爾哉

康熙二十六年歲次丁卯重九日
提督陝西通省學政前翰林院
庶吉士淝水許孫荃撰



序

五

潼關志序

之不可無志也與州縣等况
潼關實雍梁門戶粵稽秦漢以
還下逮三唐五季之世兵戈百
戰莫不以此爲必爭者焉則志
焉益亟然自予承乏茲土見蕭

序

六

然荒郭如在山僻之鄉卽有一
二縉紳士大夫家皆寄居他邑
潼之城無其人也且潼之城北
頽缺不完而潼之河失其故道
稍徙而東河故有橋則修未卒
業一瓦礫場耳視予幼時每讀

史傳間稱說潼關勝絕寰區不
知其壯偉雄麗當何如者而今
顧若此耶爰徵志於衛衛守土
官茫無以應由是間與遺老問
所疾苦大都始於明之季世流
氛蹂躪不啻再三繼而又有

序

七

滇蜀逆藩之亂加以西土反覆
邊陲不寧凡問罪之師絡繹西
征者潼獨當其衝潼故無事而
受多事之苦反潑且酷又於庚
申夏五潼水暴發漂沒居民不
下千數百口屋宅盡且皆逐波

臣請去卒之衝陷北門水入黃
河而後城中之害乃始得息不
然幾無潼矣嗟乎潼民之顛連
一至此哉顧惟潼民之顛連既
至於此是以潼之河徙者潼之
城圯者非不欲復其故而整其

序

八

新而其如民力旣竭猝難慮始
此兩載以來予之所獨爲焦勞
而苦無倡予和汝者也乃今乙
丑春王

藩憲叅政高公建節來潼首閱
城垣次詢河道繼亦徵志於衛

因一日慨然顧謂予曰潼有三
不朽業予其盍圖之予曰唯唯
愚何敢以圖之雖然竊嘗念及
於斯大約城與河之所急在費
有其費卽可以舉况今

天子布詔四方凡城之頽未修者

序

九

大小臣工咸殫力以完厥緒甚
鉅典也凡受事於潼者覩茲荒
畧敢不敏勉以克底有成而河
之工卽於焉並戒而無難已至
於志之所急不獨在費也是非
搜羅舊本爲之芟所有餘補所

不足未見可以師心而自得者也予向於潼之紳楊君諱端本者乞得一抄稿楊君即謂非志之本來而從此加以綜核修纂之力庶幾可以追踪往牒也已因以其稿呈焉無何浹月之後

序

十

叅政公復一日慨然謂予曰今城工雖鉅業已發朝河因附舉焉將來獲告成功皆吾與子之所快意者也其志之一書即未遑過爲踵事以增其華乎然從予之本階葺而爲之敘次殆亦

犁然具舉已子實始其謀予不可以無言予曰唯唯愚亦何敢言愚亦惟曰衛之不可無志也與州縣等况潼關哉若夫潼之城之圯其北也潼之河之徙而東也皆不可不復其故而整其

序

十一

新也又與衛之不可無志等今自我叅政公之來志之無者自無而有城之圯河之徙者復其故而整其新皆已次第舉行拭觀奏績是即所謂潼城三不朽業得我叅政公而一旦兼美焉

室乎其與潼城偕不朽已愚更
何敢言哉用是謹書之冊以復
我叅政公之命云若夫修城與
河別有碑記刊立衛城亦即附
載於志其詳不更贅於茲

時

序

三

康熙乙丑中秋之望西安府撫
民同知山陰唐咨伯題於潼關
分署



潼關志序

乙丑春

潘叅高公祖

簡命蒞關初下車周覽城郭山川

眺關河形勝慨然太息謂

撫民唐公祖曰茲關也全秦門

序

三

戶要害胡民物凋敝乃爾文獻
其可徵乎

唐公以公命問志於余先是丁

酉

兵憲荆峴湯公謀修關志而兵

災圖籍焚毀余於華郡得殘帙

多漫漶斷缺稽考茫昧乃依據
殘卷廣蒐博詢草纂成帙未果
梓隨復散佚因從敝篋中復揆
理殘藁呈公鑒裁公研核諮衆
增漏飭樸操議折中於史採
舉約爲宗又以同社無雙楊公

序

古

老於典故令補所未備爲序於
首端書成捐貲將付剞劂命余
爲序余不敢辭不斐夫志者紀
事之乘也自班孟堅創志地理
後世郡有志州邑有志而闕志
則寥寥不槩見蓋以闕兵戎之

區耳境域多附郡邑故不志若
潼則古桃林寨函谷廢而爲雍
州咽喉明代屬直隸與山海君
庸紫荆等稱神京要疆屹然壯
金湯於三輔者其山川城郭則
歷歷也編屯戶口則錯列也官

序

圭

師職守則濟濟也其賦稅征輸
則任土作貢也庠序人文則選
造蒸蒸也先賢勲業文藻則秩
秩炳煥也無不與郡邑同雖周
秦以前無所考而漢晉隋唐以
及宋元歷數千年其間帝王筆

興無論開創守成攻守戰伐凡
有事於秦者靡不以關爲阨塞
險阻以決成敗安危之機昔人
謂關門固則全秦固全秦固則
京畿固潼關者九州之樞也烏
可不志且自逆裔陷關以來城

序

六

社之頽圯者幾何矣建置之變
易者幾何矣土田之蕪荒者幾
何矣貢稅之增益者幾何矣轉
輸之困敝屯戶之消耗者幾何
矣文士之廢業輟講誦者幾何
矣嗟乎當事者卽欲權因革損

益之數爲補偏救弊之方顧安
所援証而從事乎是愈不可以
不志然而四十年來從未有能
脩廢而起墜者不大可浩歎也
哉我公以東魯名世旬宣茲土
廉以率屬靜以安民肅綱振紀

序

七

政理而人和且勞勞夙夜捐俸
繕脩諸大工以登興百廢唐公
刑政清肅撫惠商民卓犖傳於
京兆兩公者潼商半壁之天寶
嘉賴之乃又徵文考獻孳孳注
意於潼志一書修百年之曠典

備一方之掌故吾知披圖而按
以之審疆域扼要以之察職司
官守以之課人文隆替以之咨
民生洞察而固封疆厚綏集羣
政教變澆漓端在於是不大有
造於潼哉不寧惟是樹德者百

序

六

年樹名者百代將使後之人官
斯土者景前賢治績而永譽之
心油然而生斯土者覩往昔
懿行而貞廉之感勃然而起則
兩公之昭示來茲以標準勸懲
而為人心風俗之激勵者且萬

世不渝矣古云安不忘危又曰
在德不在險今

國家際清晏平成之盛固無此疆
彼界乃兩公德化洋溢康阜蠟
闔為綢繆桑土之計其以保障
闔門者保障全秦鞏上游建瓴
之勢真

序

七

神京磐石之安經綸天下之大業
不於斯而見之哉兩公之覽關
河而歎息也意在斯乎意在斯
乎余潼人竊有厚幸焉
康熙二十四年歲次乙丑菊月

穀辰潼人楊端本謹撰



序

三

潼關志序

間嘗披輿圖天下之郡邑皆有
 志亦不盡皆有志何也志亦難
 言之矣境內地方雖有名山大
 川奇績盛烈若不遇具特達之
 才秉龍門之筆者為之廣搜遠
 序
 主
 攬彙集成帙後之人欲考鏡無
 從即忠孝節烈亦徒付之荒煙
 蔓草磨滅無聞已爾茲何幸
 大叅高老公祖東魯俊傑一代
 儒宗奉

簡命持憲節於潼地甫下車仁心

仁聞百廢備舉又加意於採風
問俗搜求前哲名鄉遺冊慨然
有繕脩衛志之意方慮文獻無
徵不能副厥懷來適樹滋楊臨
淄公以所著潼關志一編呈
覽

序

重

高老公祖深嘉其事喜其文欲
授梨又恐前徽往蹟有所遺漏
執卷示余俾更廣搜細採以序
之蓋臨淄公與余累世通家班
荆素契其人穎悟天成抱冰勵
志濡兔則英辭霞爛揮塵則香

理風生有詩稿行世人爭膾炙
之今又閱衛志一編博綜核詳
其名鄉巨公所以著不朽之烈
也其孝子節婦所以發潛德之
光也其山川物產所以彰天府
之雄也臨淄公雖著述甚富於

序

重

是編尤爲經世鴻文焉使不遇
高老公祖總集其成亦不過藏
之篋笥以俟其人而焉能聚公
諸世哉是知臨淄公之與
高老公祖皆精神有以感召之
而遇合非偶然也由茲發刊成

書公諸海內是文以人傳而人亦以文傳已余生鄉鄙孤陋無聞亦間採三五往蹟以附之於是乎序

時

康熙二十有四年歲次乙丑孟

序

書

秋之吉潼人楊國士撰

